


四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編



齊魯書社

四庫全書存目叢書

子部
第一五一冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB66/07

四庫全書存目叢書·子部一五一

(大陸版：限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.875 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一五一冊目次

子部·雜家類

廣仁品十八卷(二)

〔明〕李長科等輯
故宮博物院圖書館藏明崇禎六年刻本

..... 一

今古鉤玄四十卷

〔明〕諸茂卿輯
北京圖書館藏明鈔本

..... 二四七

廣仁品十八卷(二)

〔明〕李長科等輯

故宮博物院圖書館藏明崇禎六年刻本

附《四庫全書總目·廣仁品二

集無卷數》提要

叙

嘗謂古來命世之傑。無不以奢淫自處。魏
武末命。猶使向帳作伎。而郭景純通人至
惟恐酒色用之不盡。彼其識畧。豈真出儻
務下。而何至區區議報如韓魏。嚴鄭兩公
爲世所羨歟。殊科者耶。獨不聞義學之訓。

叙
防淫

乎。如來明覺妙心。括山河器界。若於陶家
輪於掌中。何事不可設教。而獨借娼室立
言。且指爲根本。無明發揮十二類生。皆從
此出。若示人凜不可犯者。蓋梵網律儀。若
此其嚴也。而傳大士化身彌勒。則又於娼
房中覓之。何哉。逆行菩薩於開遮二戒。總

如吹光割水世法中如魏武諸人是也乃
若書生本如貞女修潔自嚴自是常分即
議報而後飾行猶晚也况哆口通疎自招
僞憑耶或情不能平未堪即遣聖人原未
嘗禁特云國風好色而不淫深淺之間自
有津筏耳余與小有皆惑溺於名色二根

叙坊淫

者正性難剗時復追悔過涉滅頂不謂小
有已先余有戒心見此篇也矍然避坐起
敬頷世間聰慧男子勿高議淫豪以疎狂
自械古來疎狂如阮步兵其於鄰女猶如
此况才不逮步兵者乎草弁以當訟過

楚蘄社弟袁素亮題



八仁品

淮南李長蘅小意

楚譚元春大夏

袁素亮公案

坊淫警訓

儒教坊淫

風懲

伊訓曰敢有恒舞于宮酣歌于室時謂風敢有殉于
貨色恒于遊畋時謂淫風敢有侮聖言逆忠直遠耆德

廣仁品坊淫警訓

比頑童時謂亂風惟茲三風十愆卿士有一于身家必
喪邦君有一于身國必亡

容止

月令曰仲春之月先雷三日奮木鐸以令兆民曰雷將
發聲有不戒其容止者生子不備必有凶災

二至

月令曰仲夏之月日長至陰陽爭死生分君子齊戒處
必掩身毋躁止聲色毋或進薄滋味毋致和節嗜欲定
心氣○仲冬之月日短至陰陽爭諸生蕩君子齊戒處

必掩身欲寧去聲色林者欲安形性

牆茨

牆有茨不可埽也中菁之言不可道也所可道也言之醜也牆有茨不可襄也中菁之言不可詳也所可詳也言之長也牆有茨不可束也中菁之言不可詰也所可詰也言之辱也衛宣公卒惠公幼其庶兄頑然於宣姜故詩人作此以刺之

持志

左傳云穆伯如周弔喪不至以幣奔莒從已氏焉胡傳云男女人之大欲有焉寡欲者養心之要欲而不行可

廣仁品 坊淫警訓

以爲難矣然欲生於色而縱於淫色出於性目之所視有同美焉不可掩也淫出於氣不持其志則放僻趨蹌無不爲矣故無入使于周之意惟已氏之欲從夫以志氣肆行淫微而不能爲之帥至於棄其家國出奔而不顧此天下之大戒也春秋謹書其事於敖何誅使後人爲鑒必持其志修室慾之方也

大罰

楚之討陳夏氏也莊王欲納夏姬申公巫臣曰不可君召諸侯以討罪也今納夏姬貪其色也貪色爲

大罰王乃止子反欲取之巫臣曰是不祥人也天下多美婦人何必是子反乃止

蟲惑

晉侯求醫於秦秦伯使醫和視之曰疾不可爲也是謂近女室疾如蠱非鬼非食惑以喪志良臣將死天命不祐公曰女不可近乎對曰節之天有六氣淫六生疾六氣曰陰陽風雨晦明也分爲四時序爲五節過則爲菑陰實疾陽淫熱疾風淫末疾雨淫腹疾晦淫惑疾明淫心疾女陽物而晦時淫則生內熱惑蠱之疾今君不

廣仁品 坊淫警訓

節不時能無及此乎出告趙孟趙孟曰何謂蠱對曰淫溺惑亂之所生也於文皿蟲爲蠱穀之飛亦爲蠱在周易女惑男風落山謂之蠱皆同物也趙孟曰良醫也厚其禮而歸之

尤物

叔向欲娶於申公巫臣氏其母曰昔有仍氏生女黝黑而甚美光可以鑑名曰玄妻樂正后夔取之生伯封實有豕心貪惓無厭分無期謂之封豕有窮后羿滅之變是以不祀且三代之亡其子之廢皆是物也女何以

為哉夫有尤物足以移人苟非德義則必有禍叔向懼不敢取

愛氣

董仲舒曰天地之氣不致盛滿不交陰陽是以君子甚愛氣而謹游於房是以新壯者十日而一游於房中年者倍新壯始衰者倍中年而與天地同節矣然其要皆期於不極盛不相遇疏春而曠夏凋秋而緊冬養微陽而固天地之房謹微陰而助冬飲之藏

廣仁品 功深警訓

壽

董仲舒曰壽者壽也壽有短長由養有得失自行可久之道者其壽壽于久自行不可久之道者其壽亦壽于不久

家法

魏敬宗之后爾朱榮之女也敬宗被弑齊神武納為小妻後神武有二女皆為皇后一降為彭城王妃一降為楊愔妻神武薨子澄系于蠕蠕公主洋欲悉爾朱太妃不從殺之澄逼姦洋后李澄死洋與澄后通洋死湛又

通於李至有身湛后胡氏與和士開通已而齊僧人自侍高氏之家法自神武為作俑也梁武帝之墓也東昏妃嬪有色者皆掩有之見於史傳者如石如潘如余如吳皆是也後臨川王宏以帝弟通於帝女永興公主臨賀王正德通於其妹簡文之女深陽公主以殊色為侯景所溺蕭氏之家法自武帝為作俑也

胡婦

東坡與客論事難在去欲客曰蘇子卿啮雪咽毡背出血無一語少屈可謂了死生之際矣然不免為胡婦

廣仁品 功深警訓

生子窮居海上且爾泥洞房綺疏之下乎乃知此事不易消除

移人

王文正公性儉約初無姬侍其家以二直省官治錢真宗呼二人責限為相公買妾公不樂然雖上旨聽之初沈倫家破其子孫鬻銀器直省官自公以銀易之公曰吾家安用此及姬侍既具呼二人問昔沈氏居尚在可求否二人曰向私以銀易之今見在也公喜用之如素有聲色之移人如此

無禮

趙清獻公帥蜀時有妓戴杏花公偶戲曰唇上杏花真
有○幸○妓○應○聲○曰○枝○頭○梅○子○豈○無○嫌○過○晚○公○使○老○兵○呼○此
妓○幾○二○鼓○不○至○令○人○速○之○公○周○行○室○中○忽○高○聲○呼○曰○趙
不○得○無○禮○旋○令○人○止○之○老○兵○自○幕○後○出○曰○某○度○相○公
不○過○一○時○辰○此○念○便○息○今○實○未○嘗○往○也

自警

胡澹菴海外北歸飲胡氏園爲侍姬黎倩作詩殊累其
爲○人○朱○子○胡○氏○客○館○觀○壁○間○詩○自○警○云○十○年○湖○海○一○身

廣仁品 坊 卷 訓

輕○歸○劉○梨○滿○却○有○情○世○路○無○如○人○欲○險○幾○人○到○此○誤○平
生○爲○胡○發○也

郵亭

陶穀使江南崖岸高古韓熙載謂所親曰此人非端士
其○守○可○噫○當○令○諸○公○一○笑○乃○選○名○妓○秦○弱○蘭○衣○弊○衣○詐
爲○驛○子○女○擁○箒○掃○灑○驛○庭○弱○蘭○有○絕○色○陶○遂○失○成○作○郵
亭○詞○數○闋○後○數○日○李○主○張○燕○以○巨○鍾○酌○公○公○嚴○毅○如○初
乃○出○弱○蘭○使○歌○所○贈○詞○穀○大○慚

息謫

蔣希魯知成都有名妓陳鳳儀姿技絕人希魯愛之每

宴必與以此招謫聞于朝廷及潞公爲代頗懲其籍雖

妓女滿前未嘗一顧偶因宴客襟紐忽脫鳳儀從傍上

之公轉眄微笑鳳儀曰相公亦有戲人時耶自此意愜

謫語復聞于朝廷因令御史何郯密察之公皇懼張少

愚自公曰聖從前在漢州有營妓善舞聖從問其姓曰

楊臺柳也因題詩於帕命妓作竹枝詩歌之此可見其

守矣公曰姑密之聖從至果嚴重潞公宴次迎營妓雜

府妓中侑酒使歌前詩聖從大醉又聞于朝廷及歸不

廣仁品 坊 卷 訓

復引見潞公謫息

敗守

紹興中王鐵帥番禺有狼籍聲朝廷令司諫韓璜往廉

按王憂甚有妾故錢塘娼也曰璜即韓九舊游妾家最

驩飲妾常有以敗其守既韓至王郊迎不見入城乃見

岸上不交一談次日邀游郡圃不許固請乃可至別館

水陸畢陳妓樂大作韓踟躕不安王麾去伎樂陰命諸

倡皆淡粧詐作姬侍迎入後堂劇飲酒半妾于簾內歌

韓昔所贈詞韓聞之心動狂不自制曰汝在此耶即欲

韓昔所贈詞韓聞之心動狂不自制曰汝在此耶即欲

見之妾隔簾故邀其滿引至再三不出韓心益急妾乃
曰司諫在妾家善舞今爲妾舞一曲卽當出也韓醉不
知所以卽索舞衫塗抹粉墨踉蹌而起忽跌于地王亟
命扶掖歸舟酒醒覺衣衫拘絆索燭覽鏡愧難自容卽
解舟還臺不復有所問此聲流播旋遭彈劾王迄善罷

失仙

李退大隱居南嶽日以不得遇師爲恨一日尋幽訪深
忽聞空中有彈棋聲舉頭視之見二人坐於木杪對奕
退夫大喜亟往致敬方問道間俄有田婦出傍不覺反

廣仁品

顧二仙已失所在退夫大悔事已無及

心疾

鄭子元有心疾輒昏憤如夢聞真空寺有老僧不用符
藥能治心疾往叩之老僧曰此疾原于水火不交凡溺
愛冷容而作色荒禪家謂之外感之欲夜深枕上思得
冷容或成宵寐之感禪家謂之內生之欲二者綢繆染
着皆消耗元精若能節之水不至下涸可以上交於心
火不至上炎可以下交于腎故曰苦海無邊回頭是岸

着鞭

唐司空圖詩昨日流鶯今日蟬起來又是夕陽天六龍
飛轡常相窘更爲乘危自着鞭

自押

楊誠齋善譔嘗謂好色者曰閻羅王未曾相喚子乃自
求押到何也

逃席

一友人曰人生世間譬之一場筵席飲酒多少不同同
時而散欲事多少不同同時而死或戲之曰獨不見有
逃席者乎友曰畢竟少無何此友暴卒

廣仁品

九

恥慾

程伊川先生以忘身狗慾爲恥雖至七十而筋力無損
於盛年

斷慾

謝上蔡云色慾已斷二十年來矣蓋欲有爲必須強盛
方勝任得故斷之若被嗜慾沉溺則嗜慾吾之讐敵也
上蔡云天道禍淫不加悔罪之人惟悔則善心生

絕慾

劉元城年八十堅強不衰自言安世絕慾三十年氣血

意思只如當時

淡慾

太倉張暉年九十餘耳目聰明尚能作畫問之曰平生惟慾心淡淡則慾心節賴此術也

讀文選有悟

任惠年老康強問其術曰讀文選有悟耳石韞玉而山輝川含珠而澤媚是也

鬼不敢見

李吳曰陳述古多欲爲鬼所侮吾絕欲久矣故鬼不敢

廣仁品

見非有他術也

本空

有一人患好色問王龍谿先生先生云有人設帷帳一所指謂汝此中有一名娼汝可褰帷就之汝從其言入視乃汝妹汝女也汝此時一片淫心亦頓息否曰息矣先生曰然則淫本是空汝自認作真耳

打破

胃嵩少曰諸惡業中貪色一關最難打破庸夫俗子色心難斷意誠不工顯晦明行罔知顧忌至於文人學士

雅擅風流侈標逸行或賄不足餌而以才誘或直不能遂而以巧謀纏絡則托於戚因邂逅便神爲天合終日戒不淫淫心特熾逢人言寡慾慾種更滋機關不上千般流毒直兼數世嗚呼人縱才情不減相如何必效臨中之竊若事功未齊少伯奚堪傲五湖之游青衫濕淚事雖美而未必槩司馬生平紅拂扣門遇誠奇而豈足盡衛公俊偉我願世人寧甘朴拙莫羨多情縱有機緣且思陰報若腐言不堪入耳豈往事總涉虛浮觸目警心吾所望學士文人者百倍於庸夫俗子矣

廣仁品

藥渣

陸天池有寓言曰某帝時宮人多懷春疾醫者曰須勅數十少年藥之帝如言從而藥之後數日宮人皆顏舒體胖拜帝曰賜藥愈疾謹謝恩諸少年俯伏於後枯瘠踴躍無復人狀帝問是何物對曰藥渣

不淫報

人種天知

溫州周狀元旋之父、多子而貧、館於一富翁家、翁無子、欲令妻求種為其召飲、酒半伴入睡、令妻出陪、告曰、我夫以君多男、使妾冒恥求種、如得男、所積皆君有也、某愕然遽起而門閉、不得出、以指書空云、欲借人間種、恐妨人子、遂不畱、盼妻叱婢啓門、放客、正統乙卯、旋中鄉榜、太守夢迎新狀元、彩幡上皆寫欲借人間種二語、明年丙辰、大魁報至、太守往賀、因詰所夢、諱之、而不言、廣仁品

貞心匪石

姚三、本姓卞、博學善詩文、館于懷氏、有女常窺之、卞岸然不顧、一日、曬履于庭、女作書納其中、卞得、即託他事、歸、以詩讀之、曰、一點貞心、堅匪石、春風桃李、莫相猜、卞、以書辨其無此事、其子諶及曾孫錫皆登進士

天地鬼神

信州林茂先、才高得鄉薦、家貧、閉戶讀書、鄰家女厭夫不學、慕茂先、才名、夜奔之、茂先呵之曰、男女有別、法

不容天地鬼神羅列森布、何以汚我婦慚而退、茂先舉登第三子皆登第

曹鼐不可

宣德中、曹文忠公鼐、以明經授代州學正、不就、願得繁劇職、自効、改泰和典史、因捕盜獲一女子于驛亭、甚絕意、欲就公、公奮然曰、處子何犯乎、取片紙書曹鼐不可四字、火之、終夜不輟、天明召其母家、領回、後大庭對策、忽一紙墜几前、有曹鼐不可四字、於是文思沛然、狀元及第

廣仁品

事動太清

羅文毅公倫、討偕次姑蘇、夜夢范文正公來、謁曰、來年狀元屬子矣、羅謙讓不敢當、公曰、某年某樓之事、動太清矣、羅因憶昔曾拒奔女於樓、夢當不妄、及廷對、果奪標焉

東書歸田

鄭公綱、字德新、長洲人、為人端慤、言動一以禮、少授徒於富家、主婦窺而屬意、一日坐讀書、有老嫗俯度其足、問何為、曰、娘子欲為君作鞋耳、綱正色叱之、即束書歸

田鄉貢典教泰和彭侍講教曾學士彥皆出其門狀元及第餘成名者甚衆合辭薦子朝

勵操客齋

成都楊希仲未第時在某賓館有小婦絕艷乘夜奔之拒不納其妻在鄉是夕夢神告曰汝夫勵操客齋當令魁多士以彰善報妻惘然不知何事也歲暮希仲歸始言其故明年舉蜀第一人

鄰女徙居

會稽陶文僖公大臨年十七赴省試有鄰女夜奔公三

會稽陶文僖公大臨年十七赴省試有鄰女夜奔公三

去

却之遂徙居無何榜眼官大宗伯

意薄相如

太倉陸公容少美風儀天順三年應試南京館人有女善吹簫夜奔公寢公給以疾與期後夜女退遂作詩云風清月白夜懸虛有女來窺笑讀書欲把琴心通一語十年前已薄相如遲明托故去是秋領鄉薦年二十四登進士官至叅政

登第娶聲

劉庭式既定婚入太學歲五年登第及歸則女已雙鬢

子瞻此語大傳元氣微劉又謂之矣少後生身

矣家又不振庭式涓日成禮女家辭曰女子已為廢人何可奉其帑庭式竟娶之生二子及倖高第盲女得疾死庭式哀哭良切時蘇軾為太守慰諭之曰余聞哀生於愛愛生丁色子娶盲女愛何從生庭式曰某知所亡者妻所哭者妻而已不知其有目與無目也若緣色生愛緣愛生哀色衰愛絕於義何有今之揚袂倚市目挑心招皆可使為妻乎軾拊其背曰子真大丈夫也不惟今世罕見古亦未聞盲女所生二子皆相繼登第俱為顯官

廣仁部助

主

還三處女

程彥賓進攻遂寧城下之日左右以三處女獻皆有姿色時公方醉謂女子曰汝猶吾女安敢相犯因封鎖置一室及旦訪其父毋還之皆泣謝曰願太尉早建旄節彥賓曰旄節非敢望但得死時無病足矣後官至觀察年九十七無疾而卒諸子皆顯官

愛妾歸家

元張廷瑞字天表世祖中統二年授元帥府叅議有愛妾一日有老人與語乃其父召視之其貌甚似問欲將

汝女歸耶其人以為幸侍左右非敢求歸廷瑞曰汝女居吾家不過羣婢歸家則良人矣盡取衣裝書券還之

不為亂階

褚彥回宋文帝時為吏部郎帝妹山陰公主適何武謂帝曰陛下六宮數百妾惟明馬一人大不均帝為置首面左右三十人彥回貌美亦預班列直宿西上閣主夜就之曰公岳如戰何得無丈夫意彥回不移志曰不敢為亂階帝聞重之立召大用

還安助金

廣仁品 功澤警訓

韓魏公琦在政府以三十萬錢買姬張氏有殊色券成張忽泣下公問之張曰妾本供職郎郭守義妻前歲官湖南部使者誣劾敗官恐盡室餓死願沒身活兒女公憫之遣張持錢還舍語守義敗官果非辜可訴之朝事自汝郎歸我張欣然去郭後得昭雪調任張來如約公不使至前遣人謂曰吾位宰相豈可娶士人妻向者費應盡即取券來仍助二十金之官可善視兒女張感激涕泗百拜而去後封魏郡王子五人皆顯官孫子孫仕官不絕

前堂夫人出見而召之旋晚不敢仰視夫人曰起起君非太倉顧提控乎身即賣餅家兒也嫁克相公少房華繼正室秋毫皆君致也第恨無山報德今幸相逢當為相公言之侍郎歸備原首末侍郎曰仁人也竟上其事孝宗稱嘆命查何部缺官遂除禮部主事

儀州美事

黃靖國為儀州判一夕被攝至冥司主者曰儀州有一美事汝知之乎黃云不知命吏取簿示之乃醫士薛從志曾往華亭一貴家用藥其妻李氏欲私之從志力辭

廣仁品 功澤警訓

不可李不能強而去今奉上帝勅延壽一紀子孫三世登科李氏送獄治罪靖國得還召從志語之駭曰初適有此事亦偶然耳即妻子未與言不謂已書陰籍厥後子孫果登第

帝賜官錢

何澄以醫術著名同郡孫勉之父病不愈其妻命氏召澄看脉引於密室耳語曰良人久病與賣始盡願以此身酬藥之直澄正色曰娘子何為出此語安心勿憂當為療治苟以此相污不惟使澄永為小人娘子亦失大

節縱免人責天譴其可逃乎俞氏慙感而退澄一日假寐恍見一神引至公署主者曰汝醫藥有功且不於艱急中亂人婦女奉上帝勅賜汝一官錢五萬貫未幾東宮得疾詔訪澄一劑遂安賜官賜錢悉如其數

不犯非禮

費樞蜀人也計偕入長安至旅次日晡時一婦人前訴困苦曰京師某里販繒人女嫁後夫死貧無以歸願得相依費曰吾不欲犯非禮當訪汝父來迎遍訪得其父語以女狀文涕泣謝曰疇昔夜夢神告汝女將失身於

廣仁品

九

人非遇費秀才幾不免矣今果然即取女回是年費登科官至刺史

淫報

美物不祥

周恭王游於涇上密康公從有三女奔之其母曰必致之王眾以美物歸汝無德以堪之受之不祥康公不獻一年王滅密

如夫人

齊侯之夫人三王姬徐羸蔡姬皆無子齊侯好內多內寵內嬖如夫人者六人長衛姬生武孟少衛姬生惠公鄭姬生孝公葛羸生昭公密姬生懿公宋華子生公子

廣仁品

子

如夫人之名自相與為不如其也

雍公與管仲屬孝公於宋襄公以為太子雍巫有寵於衛共姬因寺人貂以薦於公亦有寵公許之立武孟管仲卒五公子皆求立冬十月乙亥齊桓公卒易牙與寺人貂因內寵以殺羣吏而立公子無虧孝公奔宋公七日不殯虫流出尸

宣淫

陳靈公與孔寧儀行父通於夏姬皆衷其和服以戲于朝洩治諫曰公卿宣淫民無效焉且聞不令君其納之公曰吾能改矣告二子二子請殺之孔子曰詩云民之

多辟無自立辟其洩治之謂子後靈公與孔寧儀行父飲酒於夏氏公謂行父曰微舒似女對曰亦似君徵舒病之公出自廐射而殺之二子奔楚

陰律

政和間吳公路被擄至真司上者命公路勘斷數囚皆是美男子美婦人荷枷立庭下詢之皆姦事也公路罔然未決俄見一吏抱巨冊至公路揭開乃陰律也其辭曰姦人妻者得絕嗣報姦人室女者得子孫淫佚報印秉筆依律處判既得還因與同舍生金景行言之遂聞廣仁品 功澤警訓

于世

捷淫

鄭虞生少美有丰姿而善淫一夕忽夢為城隍所追計其所淫數捷之至數十既醒兩腿俱青紫遂感病死

族誅

漢何敞為交趾刺史行部蒼梧郡高要縣暮宿鵲亭夜深有一女從樓下出云妾姓蘇名娥字始珠本廣信縣修理人少孤且寡不能自振有雜繒帛二十疋及婢一人賃牛車一乘往勿縣賣繒到此亭外值日暮不敢

行因即留止亭長龔壽操刀持戟欲污妾不從壽即以刀刺妾立死又殺婢埋樓下妾死痛酷無訴故來告使君敞曰欲發汝屍以何為驗女子曰妾上下皆着白衣青絲履猶未朽也掘之果然乃捕壽拷問具服汝壽父母兄弟皆繫獄敞表壽殺人于常律不至族誅但壽為惡隱密經年王法所不能得鬼神自訴蓋千載罕有請皆戮之以助陰誅上報聽之

紅袖招搖

張寶知成都華陽李尉妻貌擅美蜀中寶欲私之偏廣仁品 功澤警訓

託是姑姪子密諭此意久之妻亦有心而李尉適以賊敗寶因劾奏送獄根勘竄嶺外死于路寶厚賂尉毋強委禽焉權樂不捨無何妻病恍惚見李尉在傍未幾卒寶亦得病夢妻告曰妾感公恩不敢不報尉已訴于上天旦夕取公若深居未必得便苟輕出必為所執偶暮坐遙見堂下竹間有一紅袖招之意謂尉妻偶忘其告疾趨急赴乃尉也毆罵曰你這賊子不以紅袖招搖汝肯來乎良久口鼻流血踣地卒

趙重陽

常熟直塘有錢外郎者險人也。里中有婦曰趙重陽，色美，錢慕之。以其夫貧，可餌，貸錢販布，商于臨清。錢遂與婦通，豫居貨以待其夫歸。歸一二日，輒遣之後，遣行至木梳港，潮落不能去，復暫到家。錢方擁趙暢飲，夫慚且怒，旋回舟中。錢陰與趙計，夜遣人詐為盜殺之。族人知而鳴于縣，縣令楊子器逮兩人，鞫之不承。姑繫于獄。自是數月无旱，桑通判民懌謂子器曰：「君知所以不雨乎？趙重陽獄未決，耳君雪此冤，雨今至矣。」子器大悟，嚴刑款服。少時大雨如注，閩縣歡呼以爲神。錢遂訴之上官。

廣仁品 巧法警訓

三

移獄于府，又訴于朝。下南京法司，錢賂津要內援，與趙皆幸免。方出部門，少憩，忽疾雷一聲，兩人皆震死。

琵琶絃

嚴武少與一軍使隣，軍使女頗美，武窺愛之。百計誘至，遂與俱遁。軍使詣闕進狀，詔出收捕。武懼罪，夜醉女子解琵琶絃，縱投沉水，以無獲幸免。及在蜀，得病，見女子在前，責曰：「從前固是失行，然實無負於君。君縱我罪，苟不捨我，可去乃至，見殺真忍人也。」妾已訴于上天，則在明日武漸醒，時已黎明，果卒。

二女業至

浮梁邑北，張明三隨父宦，墮崖官舍，與李指擇宅。二女俱有色，明三通焉。及歸，潛携二女舟中，將就。追急，明三計窮，亟推二女死于水。後十年，明三復還，其孫將省治之，投刺小愈，是夕孫夢捕魚于里之海，水中二女浮體而至。執孫衣曰：「妾墮人也，來爲張某治。」明三方手曳孫入水，孫驚覺，汗背語且語明三，捕魚數日，業至矣。吾且始乎果逾月死。

創舉

廣仁品 巧法警訓

三

唐李登年十八，爲鄉貢首。後年幾五十四，屢不第。一日齋沐，詣葉靖法師乞入冥勸之。諾曰：「蜀梓童有神，曰北郭生，掌文昌職，貢舉司祿之官。吾當爲汝叩之一日。」上章謁而問焉。命一吏示籍，對曰：「李登初生時，上帝賜玉印十八歲魁鄉薦，十九歲作狀元，五十三位至右相，緣得來後，窺隣女張燕娘，事雖未諧，而繫其父張澄于獄。以此累展十年，降第二甲二十八歲得舉，後其弟李豐屋基至形於訟，以此又展十年，降第三甲三十八歲得舉，後長安邸中淫一良人婦鄭氏而成其夫白元之。」